

Na osnovu člana 41. stava 2. Statuta Asocijacije za informacione tehnologije u Bosni i Hercegovini (u daljem tekstu BAIT), Skupština je na svojoj sjednici održanoj dana 4. 11 2008. godine, donijela

P R A V I L N I K
O IZBORU, SASTAVU I RADU SEKCIJA, RADNIH GRUPA I SAVJETA
IKT EKSPERATA ASOCIJACIJE ZA INFORMACIONE
TEHNOLOGIJE U BOSNI I HERCEGOVINI

Član 1.

Ovim Pravilnikom uređuju se uvjeti i kriteriji za predlaganje, izbor i sastav članova Sekcija i Radnih Grupa, kao i osnovne uvjete za njihov rad.

Sve što nije obuhvaćeno ovim Pravilnikom bit će predmet samoregulative Upravnog odbora iz njegove operativne Odluke.

Član 2.

Vid, broj i rad Sekcija i Radnih Grupa se utvrđuje na redovnoj godišnjoj Skupštini BAIT-a.

Radne Grupe se formiraju i po potrebi u okviru odgovarajućih Sekcija, o čemu Odluku donosi Upravni Odbor BAIT-a.

Član 3.

Sekcije i Radne Grupe, saglasno Statutu BAIT-a raspolažu originalnim, statutarnim i zakonskim ovlaštenjima delegiranim od strane Skupštine BAIT.

Član 4.

Sa ciljem da se omogući uvećana efikasnost u radu BAIT-a, broj Sekcija ne može biti veći od 6, a broj Radnih Grupa koje djeluju u okviru Sekcija je neograničen.

Sekcije u okviru BAIT-a mogu prerasti u zasebne Asocijacije, u skladu sa Odlukom Skupštine BAIT-a donesene na redovnoj godišnjoj Skupštini.

Sekcije i Radne Grupe u okviru BAIT-a sačinjavaju predstavnici društava članica BAIT-a.

Član 5.

Četri Sekcija BAIT-a su sektorske, sastavljene od predstavnika društava članica BAIT-a iz odgovarajućih IKT Sektora.

Svaki od Sekcija može biti sastavljen od dvije ili više Radnih Grupa.

Član 6.

Četri Sekcije BAIT-a su sektorske, sastavljene od predstavnika članica BAIT-a iz sljedećih IKT Sektora:

- Softver i IKT usluge - Sekcija sastavljen od Softverskih i IKT Uslužnih Društava koje formiraju svoje odgovarajuće Radne Grupe,
- Elektronske Komunikacije - Sekcija sastavljena od Društava operatora i davaoca usluga za elektronske komunikacije i druge telekom kompanije, koje formiraju svoje odgovarajuće Radne grupe,
- Hardver - Sekcija sastavljena od IKT Distributera i IKT Hardverskih Društava, koje formiraju svoje odgovarajuće Radne Grupe.
- Edukacija i IKT kadar – Sekcija sastavljena od Društava koje imaju centre za edukaciju i trening i davaoca sličnih usluga.

Član 7.

Društva se moraju sama opredijeliti o pripadnosti u određenom IKT Sektoru, najkasnije 7 dana prije održavanja redovne godišnje skupštine. Ukoliko društava to ne učini u navedenom roku, pripadnost kompanije u određenom sektoru će odrediti Ured BAIT-a najkasnije do dana održavanja redovne godišnje Skupštine.

Član 8.

Svakom od Radnih grupa rukovodi Koordinator Radne grupe, koji se o svim aktivnostima konsultuje i koordinira sa predsjedavajućim Sekcija.

Koordinator Radne Grupe je po funkciji član odgovarajućeg Sekcija BAIT-a.

Svakim od Sekcija rukovodi Predsjedavajući Sekcija izabran od strane članova Sekcija, koji može biti i jedan od predsjedavajućih radnih grupa.

Predsjedavajući Sekcija je po funkciji član Upravnog Odbora BAIT-a i potpredsjednik UO zadužen za odgovarajući Sekcija.

Član 9.

Stalna Radna Grupa u okviru BAIT-a je radna grupa za Institucijalni razvoj.

Stalnu radnu grupu za institucijalni razvoj sačinjavaju Predsjednik Upravnog Odbora, zamjenik Predsjednika Upravnog odbora, Predsjednik Nadzornog Odbora, Predsjednik Suda časti, uposleni u Uredu BAIT-a kao i saradnici koje naznači Upravnog odbora BAIT-a na prijedlog Predsjednika i Zamjenika–Predsjednika Upravnog odbora (pravni konsultanti, druge članice BAIT-a i sl.).

Član 10.

Članovi Upravnog odbora BAIT-a predloženi od strane Sekcija, se utvrđuju i biraju prema Pravilniku o izboru, sastavu i radu Upravnog odbora BAIT-a.

Član 11.

Za člana Sekcija i/ili Radne grupe, svog predstavnika može delegirati jedino društvo članicu BAIT-a sa regulisanim obavezama.

Član 12.

Svaki član Sekcija i/ili Radne Grupe ima svoja zaduženja i obaveze, utvrđene Pravilnikom o zaduženjima i obavezama člana Sekcija i/ili Radne grupe, koji Upravni odbor treba da usvoji ili izmijeni najkasnije u roku od 30 dana nakon završene redovne godišnje Skupštine BAIT-a.

Član 13.

Člana Sekcija i/ili Radne grupe kojeg predlaže Društvo je individualiziran po imenu i prezimenu i poziciji u Društvu i isti dostavlja u momentu izbora svoje lične podatke u smislu adrese, matičnog broja i pozicije u Društvu.

Član 14.

Član Sekcije i/ili Radne grupe je dužan aktivno da učestvuje u radu i njegovo postupanje da bude motivisano savjesnošću i časnošću.

Član Sekcije i/ili Radne grupe je dužan redovno da prisustvuje sjednicama i ima pravo i mogućnost u slučaju spriječenosti da odsustvuje najviše dva puta u jednoj mandatnoj godini.

U slučaju odsustva, dužan je da obezbijedi odgovarajuću zamijenu uz pismeno punomoćje sa posebnom napomenom za pravo opunomoćenika da odlučuje i glasa sa neograničenim mandatom.

Član 15.

Ukoliko član Sekcije i/ili Radne grupe neopravdano odsustvuje više od dva puta u toku jedne mandatne godine mandat mu prestaje.

U tom slučaju, Predsjedavajući Sekcija i/ili Kordinator Radne grupe će predložiti kompaniji članici BAIT-a u roku od 15 dana da predloži drugog predstavnika, koji će zauzeti njegovo mjesto.

Ukoliko Društava članica BAIT-a ne dostavi svoj prijedlog za novog predstavnika, tada Predsjedavajući Sekcija i/ili Kordinator Radne grupe predlaže Upravnom odboru predstavnika iz druge kompanije, koji zauzima njegovo mjesto.

Ukoliko član Sekcije i/ili Radne grupe promijeni poslodavca, odnosno više ne radi kod Društva koju je predstavljao, tada će društava predložiti novog predstavnika.

Član 16.

Sekcije i Radne grupe rade na sjednicama koje Predsjedavajući Sekcija i/ili Kordinator Radnih grupa saziva najmanje jednom mjesečno kao redovne sjednice, najmanje 7 dana prije održavanja redovnih mjesečnih sastanaka Upravnog odbora BAIT-a.

Sekcije i/ili Radne grupe mogu sazivati i vanredne sjednice kada to nalažu potrebe, prema uvjetima utvrđenim Statutom i ako to zatraže najmanje 3 člana Sekcije i/ili Radne grupe.

Član 17.

U radu Sekcije i/ili Radne grupe učestvuje najmanje jedan član izvršnih organa profesionalno zaposlenih u BAIT-u, koji izrađuje zapisnik sa sastanka i dostavlja na odobrenje Predsjedavajućem Sekcije i/ili Koordinatoru Radne grupe najkasnije u roku od 2 radna dana od dana njegovog održavanja, a odobreni zapisnik zatim dostavlja svim članovima Sekcije i/ili Radne grupe najkasnije u roku od 5 radnih dana od dana održavanja sastanka.

Član 18.

Radni kvorum Sekcija i/ili Radnih Grupa je tri prisutna člana.

Odluke se donose natpolovičnom većinom prisutnih članica.

Član 19.

Sekcija i/ili Radna Grupa donosi zaključke i preporuke koje dostavlja na razmatranje i usvajanje Upravnom Odboru BAIT-a.

Član 20.

Samo predstavnik Sekcije i/ili Radne grupe može da učlanuje i u Komisiji i Radnom tijelu druge institucije sa kojom BAIT ima uspostavljenu saradnju preko odgovarajućeg memoranduma ili odgovarajućeg ugovora o saradnji, a njegova prava i obaveze se utvrđuju Protokolom o radu i učešću u komisijama i tijelima predstavnika nominovanih od strane BAIT-a, koji donosi Upravni odbor BAIT-a.

Učešće predstavnika iz stava 1 ovog člana verificira Upravni odbor na svojoj prvoj narednoj sjednici.

Član 21.

Ovaj Pravilnik stupa na snagu sa danom njegovog donošenja.

Sarajevo, 4. 11. 2008

Predsjednik Skupštine
Prof.dr Tadej Mateljan